



13. april 2007  
Olga P. Berthelsen

Inatsisartut Suleriaasianni § 36, imm. 1 naapertorlugu Naalackersuisunut apeqqut imaattoq matu-muuna saqqummiuppara:

## Naalackersuisunut apeqqut:

1. **Tuapannguani inissiarsuit isaterneqartussat pillugit Nuup kommunalbestyrelsiani immikkut ittumik ataatsimiinnermi nutaamik aalajangiisimaneq tunngavigalugu tamanut ammasumik tusarniaanermik nutaamik ingerlatsisoqarnissaa inatsisitigut pi-sussaaffiunnigila?**
2. **AG-mi 12. April-mi saqqummersumi akit pilersaarutaasimasumiit annertunerungar-tut saqqummersut ilumoortortaqqarpap?**
3. **Suliassat maannamut pilersaarutaasunit kinguarpata kiisalu sularinnittussanik isu-maqatigiissuteqartoqarersorlu, suliassat akiinut tamanna qanoq sunniuteqassava?**
4. **Inissiarsuarni sularineqarniartuni inissiat alliit suliffeqarfittut atorneqarsinnaanis-saat ammaaneqqarpoq. Tamanna Piginneqatigiilluni inissialiortarnermut aningaasa-lersuisarnermut peqqussummut unioqqutitsisuunnigilaa?**

(Inatsisartuni ilaasortaq Olga P. Berthelsen, Inuit Ataqatigiit)

## Tunngavilersuut:

Ad.1. Nuup kommunalbestyrelsiata ataatsimiissutigisimasaanni takuneqarsinnaavoq illoqarfiup ilaanut pilersaarutissatut siunnersuummi 1A4-3-mi Tuapannguani Blok T isatigassanut ilanngunne-qarsimasoq. Tamanna siornatigut pilersaarutaasunit allannguutitut isigineqartariaqqarpoq. Aamma nalunngilarput Inatsisartut Aningaasanut Inatsisaanni Tuapannguani isaterinissamat tunngatillugu Blok T ilaannigilaq. Tamanna tunngavigalugu isumaqarpunga pisariaqartoq aammalu pingaaruteqar-toq illoqarfiup ilaanut pilersaarutip nutaap tusarniaassutigineqarnissaa. Minnerunngitsumillu tusar-niaaneq Juullip nalaani ingerlanneqartup innuttaasut tusarniarneqarnissaannik eqqortumik periarfis-siisimanngineq, kikkut tamat oqartussaaqataanerannut kalluisutut oqaatigineqarsinnaammat.

Ad.2. AG-mi 12. april-mi saqqummiunneqartumi qupperneq 7-mi akit saqqummiunneqartut takul-lugit tupaallannangitsuunnigilaq. Sanaartornermik ilisimasalik oqariartuuteqqarpoq inissiarsuit isate-riarlugit sanaqqinneqarnissaanni kvadratmeter-mut akiulersussat 26.800,- krone-ninngorsimasut. Tamanna ilumoornersaq ersarissumik paasisariaqarparput, aammalu paasisariaqarparput suna tunn-gavigalugu kisitsisit taama annertutigisut maanna saqqummernersut. Akit taamaattut ilumoorsimas-sappata, inissiat nutaat 196-t sananeqarnerani isaterineq ilanngullugu, 429.280.000,- akeqalersimas-sapput. Maannamullu aningaasaliissutaasimasut eqqarsaatigigaanni nikingassut, 310.646.800,- kr-niussaaq. Tamanna akissaqartinngilarput, taamaattumik pisariaqarpoq nutaamik nalilersuinissaq.

Ad.3. Maannamut suliassat pilersaarutaasunit kinguarsimassappata, aammalu sularinnittussanik isumaqatigiissuteqartoqareersimappat, soorunami akinut sunniuteqarnissaa naatsorsuutigineqarsin-naavoq. Isumaqarpunga Inatsisartuni tamakku ersarissumik paasisimasariaqarigut, kingusinneru-sukkut aningaasaliisariaqalersinneqassanngikkutta.

Ad.4. Oqaatsip naanera: „sinnaavoq“ inerteqqutitut paasineqartariaqanngilaq. Paasineqartariaqarpoq „taamaasiorsinnaasoqartoq“. Taamatut allassimasoqarnera isumaqarpunga, Piginneqatigiilluni inissialiortitsisarnermut naapertuutinngitsoq, tassami taakkunani inuussutissarsiutitut atugassanik inissialiortoqarsinnaanngimmat.